

**DE SANCTISSIMA  
CRUCE POMPEIJ  
VGONIJ ROMANI  
ARTIUM ET SACRAE  
THEOLOGIAE...**

---

Pompeo Ugoni



POMPEIUS VGONIVS  
CANDIDO LECTORI S.



Equè mirari te, ac multo minus offendi (candide Lector) velim, si nostra de Sanctissima Cruce Oratio, non ad exactam Latinam, ac Ciceronianam præsertim elocutionis normam limata, ac perpolita videbitur. Scripseram illam anno superiore, ut inter Sacra Pontificia habendam, in Augustissimo templo eidem Sanctissima Cruci dedicato. Quare, & dignitatem argumenti, & loci, temporis, Auditorij gravitatè præ oculis habens, nihil me præter decorum facturū existima veram, si profana eloquētia flosculis paulisper neglectis ubi omnia sacra erant, sacrum eo quoque, & Ecclesiasticum stylum asferrem. Animaduerti enim à grauissimis, & prudentissimis viris huic quoque dicendi generi, quod varijs diuinarum literarum sententijs, verbisq; de industria contextitur suam laudem non denegari. Ergo & ipse qui alijs locis, ac temporibus religiosè canere soleam ne violare candorem Latina lingua videar, ad cuius studium copiosa oratione nuper in Romanum Gymnasium adscitus Romanam iuuentutem sum adhortatus, certè inter sacrosancta sacrificia ubi, ut Bernardi verbis utar, os nostrū consecratum est Euangelio, nunquam mihi Euangelium, diuinasq; voces erubescendas putauerim. Neque tamen Orationem hanc edere ausus essem, teretes aliquin, doctorum, & eloquentium virorum aures veritus, nisi quoniam cum superiorum carminum argumento congruebat, ut illam emitterem, & amici suassissent, & ij mandassent quibus negare quidquam sine maximo scelere non poteram. Te igitur quisquis es, ad cuius hac manus peruenerint etiam atque etiam rogo, beneuoluntate ut mihi patronum potius, quàm seuerum arbitrum prabeas, studiūq; nostrā qualiacumque sint, aquū bonūq; consulere ne graueris.

Vale.





# SANCTISSIMA CRUCE

POMPEII VGONII ROMANI

O R A T I O.

In die Festo eius Inuentionis.

*AD SIXTUM V. PONT. OPT. MAX.*



INTROIVIMVS hodie, Pater Beatissime, in tabernaculum Domini. Adoramus in loco vbi steterunt pedes eius. Nam si prope Imperatoris tabernaculum in castris figi Regale vexillum, atque attolli solet, cur non hoc Augustissimæ Religionis sacrarium tabernaculum Dei nostri iure appelletur, in quo eius triumphale vexillum refulget? Vbi autem steterunt pedes Domini, nisi in illa, cuius hoc Templum sedes est, & domicilium Cruce, in qua eos clauorum cutpides acerbè, amoris iacula salutariter cõfixerunt? Obtemperatum est & hodie Regio Prophetæ adhortati. Tollite hostias, & introite in atria eius. Adorate Dominum in atrio sancto eius. Commoueatur à facie eius vniuersa terra, Dicite in gentibus quia Dominus regnauit à ligno. De Cruce igitur dicere locus admonet. Sed & ad eandem concelebrandam solennis latitia temporis excitamur. Hodierna enim die nostræ salutis Vexillum quod inuida gentium superstilitio alta tellure demerferat, Religiosissimæ Augustæ Helenæ studio ac pietate cœlo, solique redditum est. Meritò festum diem Crucis honoramus, per quā alij nobis omnes festi orti sunt dies. Meritò inuenta hac pretiosa margarita gaudet Ecclesia, cuius pretio mundus redemptus

est. Decet vernū hoc anni tempus non minus ridentis soli vbertate, quā studijs nostris gratulationibusq; florescere, quo mystica Aaronis virga re floruit. Nam profecto, si cum vna terras omnes texit eluuiēs cara illis fuit Arca à Noe fabricata, q in ea superstites enauigarunt; si Virga Moſis qua diremptum mare per easdem vndas populum Dei sicco pede transuexit quibus Aegiptiorum agnē inuoluit religiōse in Sanctuario est adseruata; si Gladius quo ab immani Goliath corpore superbum caput auulsum est, ad æternam facti memoriā honorificē positus in templo pependit; quanto amore, quantoquē honore sanctam Crucem prosequi fas est, per quam nō à gurgitibus tandem arescentium aquarum corpora, sed à perenni diluuiō gehennæ animæ sunt liberatæ; qua nō Pharaonicæ scrutitatis calamitates effugimus, sed tartaræ Tyrannidis iugū excussimus; qua non Gigantis supra vsitatam hominis mensuram clati caput est amputatum, sed contritum caput serpentis, qui contra Deum erectus pulcherrimum Dei opus humanam naturam exitiali veneno suæ prauitatis infecerat? O quā in ancipiti, ac lubrico stetit salus generis humani nisi per Crucem nobis subuenire diuina prouidentia decreuisset. Transgressus enim Adā diuinum preceptū, sequē, vniuersamq; posteritatem ita iustæ Dei iræ subiecerat, vt nulla vis esset in homine Deum placandi, sequē in pristinae integritatis statum restituendi. Quippe offensus infinitæ maiestatis honor infinitus, nulla poterat finitæ creaturæ compensatione exæquari, nec ad bona quibus exciderat ægra preferim, & diuinæ opis indiga natura conniti vllō modo valebat. Reliquum itaq; erat vt poenas penderemus æternas, depulsi à nobilissimo fine ad quem conditi eramus, Coelo exheredati, ad inferos amandati, morti obnoxij, comparati iumentis insipientibus, Deo in perpetuum exosi, atq; infesti. Quid nos igitur tantis malis liberauit nisi Crux? Crux inquā illa quæ à Dei filio pro nobis excepta rationem induit immensitatis, vim trahens infiniti meriti à diuina Hypostasi Verbi, quod in ea portauit iniquitates omnium nostrum. Hæc nos amissæ felicitati restituit; Hæc coelo reddidit; Hæc ex orci faucibus eripuit; Hæc immortalitate donauit; Hæc ad veterem nobilitatem reduxit; Hæc Deo reconciliauit. Hoc remedium seruandi orbis humanis mentibus penitus arcanum, atq; in-

scruta

scrutabile Diuina dumtaxat prouideria excogitauit, tanto altiore consilio, atque mysterio, quod summæ omnipotentia rationes nõ deerāt quibus aliter, si uellet quam per Crucem nos posset saluare. Poterat Coeli ille, terrarumque Rector qui Adamum nullis ante deitibus meritis è nihilo condidit, qui vitam, & uitæ commodam, & coelestem gratiam nobis sponte largitur; poterat inquam & homini quoq; gratuito, & nulla requisita satisfactione ignoscere. Eiusdem est enim potestatis, & quod suū est alteri donare, & quod ei alter debeat condonare. Sed esto Iustitia satisfactionem exigeret, eaque aliter prestari nõ posset nisi Deus homo efficeretur; Poterat Verbum caro factū multo mitiori poena quam Crux sit satisfacere. Vel aliorum ille Natalis noctis, tenerq; vagitus; vel stilla sanguinis quam gladius Circumcisionis elicit; vel lassitudo ad fontem Samariae; vel lachryma, vel fremitus, vel turbatio illa ad amici monumentum abundè sufficiens pretium erant nostræ salutis. Da mihi humanitatē quam diuina sustinet Hypostasis, qualibet eius actio meriti erit, & pretij, & satisfactionis infinitæ. Deniq; si morte volebat Christus opus complere humanæ redemptionis, ut & hominem se declararet moriendo, & victorem mortis resurgendo; an non erant alia genera mortis, nisi ut per Crucem uita crudelissimè priuaretur? Quinimmo alia genera mortis euitata à Christo uidemus Crucem uero studiōse etiam; atque ardentè expetitam. Distinguitur in infantes Herodianus gladius; infans Christus in Aegyptum secedit. Præcipitare cum Nazarei moliuntur è supercilio montis; ipse autem transiens per medium illorum ibat. Tulerunt lapides Iudæi ut iacerent in eum; at ipse abscondit se, & exiuit de templo. Contra uero postquam illa iniri capta consilia de quibus prædixerat Ieremias, Mittamus lignum in panem eius; Tum uenisse horam suam dicit, Tum se clarificandum, Tum proditori, Quod facis (inquit) fac cito, Tum Patre sic orans alloquitur Si transire nõ potest calix iste fiat uoluntas tua: Tunc ad uentantibus crucifixoribus obuiam ultro progreditur, Tunc obmutescit tanquam Agnus coram tondente se, & tergum patibulo subdens, iugum eius suauē, & onus ducit leue; Tunc facto principatu super humerū eius, quasi opima gerens spolia Golgotha inuehitur. Illic in amplexum Crucis brachia aperit, & extendit; Imo uero (quid amplius

amplius dici potest ?) clavis ei acutis adfigitur, sudorē cum ea, et sanguinem suum miscet ; tanquā in statera libretur in ea attol- litur, perq; eam mundo, quē ex omni parte circumspicit osten- tatur. En hæc est illa Crux, quæ scandalum Iudæis, & stultitiā gentibus, vocatis à Christo (vt ait Paulus) Virtus Dei est, & Sa- pientia. Scandalum est Iudæis Crux Messiam expectantibus, qui facili quadam clementia hominibus delicta condonet ; Imo verò qui eis thesauros, ac delicias afferat ; riuos melle ac lacte decur- rentes educat, Regni mortalis scaptrum restituat, templi molem magnificā ex mortuis lapidibus excitet. O miseros, & in vindictā Crucis miseros. Næ illi, si terrena sapere desinant, & Benedictum lignum, & Pendentem vitam, & Expansionem, manuū, & Fossio- nem item manuum, ac pedum, & Transfixionē lateris, & Spineam coronam, & Fel, & Acetum, & Sanguinem, & Sepulcrum, & quæ- cumq; Crucem venerabilis dolorū pompa circumstat in sacris li- bris animaduertant. Quid mirum igitur si hac palma Victoriæ si- bi proposita ; exultauit statim Christus vt Gigas ad currendam viam ? Sic enim necesse erat impleri omnia, quæ scripta sunt à Moise, & prophetis, & psalmis de illo. Fuit, fuit quondam hæc sa- lutaris Arbor ludibrio gētibus, cum nondum sub umbra illius se- dissent, & degustassent fructus eius dulces gutturi suo. Obiectum est Christianis aliquando, quòd hominē, & ab hominibus insigni supplicio affectum, atq; excruciatum colerent. Declaratum est eundem esse Deū, quem immensa vis amoris ad Crucem pro no- bis subeundam attraxisset. Obiectum est quasi absurdum dogma, vt atrocissimo scelere quod in homine necandō committitur, ho- minum peccata diluta afferantur. Declaratum est non homicida- rum scelere, sed Christi virtute in perferendis malis deleta esse pec- cata. Obiectum est iniustum iudicium videri, vt innocens pro no- centibus patiat. Intellectum est non aliter diuinæ iustitiæ satisfieri potuisse, nisi vt qui non debebat pro debitoribus solueret. Agnoscimus in Cruce Dei sapientiā, qui cum figurasset homi- nem in forma Crucis, in eadem eum voluit reformare: Qui ad le- niendam iram ligno inobedientiæ promeritam, ligno vsus est obe- dientię : Qui ad satisfaciendum pro execrationibus nostris, sup- plicium in se se vertit execrabile: Qui crecturus hominum mentes  
ad

ad cœlestia, instrumentum assumpsit quod terræ defixum in subli-  
me extollitur ; Qui editurus mundo pulcherrimarum virtutum  
exempla, id genus mortis elegit, in quo propter insignem con-  
temptum, doloresq; acerbissimos, maxima Humilitas, summa Pa-  
tientia, infinita Caritas elucesceret. Confitemur virtutē Crucis, in  
qua Mors morte superata est, per quam delictum Chirographum  
peccati, quæ Deum placavit homini, quæ Dæmonis potentiam  
infregit, Mundi superbiam calcavit, Idola subuertit, Veritatem  
illustravit, Cœlum aperuit, Angelos exhilaravit, Deum glorifi-  
cavit : quæ deniq; extremo aduentante iudicio, tum cum Sol ver-  
tetur in tenebras, & Luna in sanguinem, & Stellæ non dabunt lu-  
men suum (succollantibus Angelis illustre Trophæū omni sydere  
fulgentius) emicatura est inter nubes, ad electorum spem, ac sola-  
tium, ad terrorem, & exprobrationem impiorum. O beata, ò  
gloriosa Crux. O iure à Constantino vexillis præfixa, ab Helena  
templis honestata, ab Heraclio armis, & sanguine repetita, quæ  
nostri sanguine Redemptoris immauisti. O meritò à supplicio fa-  
cinorosoꝝ translata ad frōtes Imperatorum, atque Pontificum,  
quæ facinora nostra expiasti. O digna, cuius simulachrum Princi-  
pum pietas quam proximè astris collocet, quæ nos syderibus in-  
seruisti. O pretiosum monile. O signaculum nostri pectoris; Di-  
gna quæ argento reddaris, quæ auro præfulgeas, quæ pretium  
gemmis augeas. Offendatur licet Iudæus, Derideat Gentilis, Di-  
frumpatur Hæreticus; Nostre ò Sanctissima Crux, instrumentum  
nostræ salutis amplectimur, Vexillū propagatæ Religionis attol-  
limus, pretiosi sanguinis receptaculum, ac torcular, & verò etiam  
Saluatoris ipsius expressam imaginem, diuini cultus veneratione  
adoramus.

LAVS DEO.





THE HISTORY OF THE  
LIFE OF  
JAMES OGLETHORPE  
BY  
JOHN STURGES  
IN TWO VOLUMES.  
VOL. II.  
LONDON:  
PRINTED BY J. JOHNSON, ST. PAUL'S CHURCH-YARD, 1784.

DAVID OGLE